

## Funziuns en onú de Sant Ujöp Freinademetz a Oies

- en lönesc ai 28 de iener:  
ales 20:00 devoziun en onú de Sant Ujöp da Oies (♫ *Cor de dlíja da Lungiarü*)
- en dedolönesc ai 29 de iener:  
ales 16:00 s.m. solena, con P. Stephan Dähler SVD, (♫ *Cor de dlíja da San Martin*)  
ales 20:00 s.m. con siur Pire Irsara SVD (♫ *Cor de dlíja da La Val*)

## Vita de ploania y de paisc



**Sc'i sun morc con Crist, viarunse ince con el.** (San Paul)

La ploania á tut comié da **Lena Frena Brandlechner**, de Sotrú, (+ 19.01.2019, 88 agn) y ti fej les condolanzes ai familiars por la mort dla fomena, oma, lâ y so. Che le Signur i páii con les ligrezes dal ci döt le ben che ara á fat te sôa vita.



**"I te cherdí con to ennom" dij le Signur.**

La ploania tol sô con ligreza te sôa comunité **Elias Erlacher** (Tomele) y ti fej les miús aodanzas ai geniturs Benjamin y Sophie: Idio, la Oma dal Ci y le Sant Patron acompagneii Osc môt con sôa benedisciun y proteziun.

- o **Sontada dal consei pastoral en jöbia ai 31 de iener** ales 20:00 te calogna: Carsema, Pröma Santa Comegnun, dis dles crusc y situaziun dal mone.
- o **Iolan dles ofertes en recort de † Anna Konrater ved. Palfrader:** fam. Paul Palfrader por la dlíja, La Strada, Caritas BZ, Katastrophenhilfe/Caritas y Krebshilfe; Irmgard Frenner Pisano por la Caritas/Palestina; fam. Rigo/Matlogn por le proiet dai Trei Resc; fam. de Pincia y Loise da Garsun por santes messes.

## 1 enformaziuns y terminis

**Ocio! Le dotur Aldo Marcocci ne sará en dedemesaledema ai 30 de iener nia t'ambulatore.** Empede el sarál la doturia Mahlknacht dales 8:30 ales 10:30 t'ambulatore a La Val o da arjiunge al ☎ 349 0667034.

**No avèi tēma! I sun dagnëra tles mans de Chël Bel Dî.**

*Sant'Ujöp Freinademetz*

**Döt le bun a:** Paola Rigo Vigg, *Rina* \* 01.02.1933  
y a duc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## Plata dla Ploania La Pli de Mareo Santa Maria dal Bun Consei

Plaan: Signor Heinrich Perathoner  
E-mail: [ploania@gmx.net](mailto:ploania@gmx.net)

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann C

27.01.2019 - 3. domegna ia por l'ann

n. 9



☎ Nee 8, 2-4a.5-6.8-10 | 1 Cor 12, 12-31a | Lc 1, 1-4; 4, 14-21

### Dal Vangelo do San Lüca:

[...] Te chel tomp <sup>14</sup>e Gejú, emplí dla forza dal Spirit Sant, endö jü tla Galilea. Y le baié porsora el se slariâ fora sora döt le raiun. <sup>15</sup>Al ensinâ tles sinagoghes y gnea aprijé da duc. <sup>16</sup>Ensciö él ince roé a Názaret, olach'al ea corsciü sô, y é jü, desco zonza, le sábat tla sinagoga. Canch'al é loé sô, por lí fora dla Scritöra, <sup>17</sup>ti án sport le liber dal profet Isaia. Al á daurí le liber y é roé pal toch olach'al é scrit: <sup>18</sup>Le Spirit dal Signur é sön me; deache le Signur m'á unt. Al m'á mené, por ch'i ti porti ai püri na noela de ligreza; por ch'i ti encündí ai sarés ia la deliberaziun y ai verc la löm dai edli; ch'i meti i desgraziés tla liberté <sup>19</sup>y protlameii n ann de grazia dal Signur. <sup>20</sup>Spo ál stlüt le liber, ti al á dé al sorvidú dla sinagoga y s'á sonté jö. I edli de duc tla sinagoga ea ôc sön el. <sup>21</sup>Spo ál motü man da ti splighé: Encö s'á ademplí la parora dla Scritöra ch'i eis der aldi.

### Oraziun dal de

*Periun! Signur, nosc Dio, to Spirit Sant á sbürlé sant Ujöp Freinademetz a jí a ti encündé le vangelo ai pagans.  
Por sôa interzesciun te periunse, fa che duc i popui empari da conesce le der salvatur y ti mantegni la fedelté.  
Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por duc i secui dai secui. – Amen.*



☎ Letöres dla 4. domegna ia por l'ann:  
**ler 1, 4-5, 17-19 | 1 Cor 12, 31 - 13, 13 | Lc 4, 21-30**

Edema liturgica dai 27.01. ai 03.02.2019

<b>DOM 27.</b>	<b>3. domegna ia por l'ann (dai mass-media)</b> <i>Angela Merici, Iulian, Manfred, Rosalia</i> <b>FESTA DE SANT'UJÖP DA OIES</b>
<b>08:30</b>	<b>gran messa</b> ciantada en onú de Sant'Ujöp da Oies por döta la ploania ♪ <i>Johann Kircher, "St. Canisius-Messe"</i> <b>oferta por la ploania</b>
<b>→</b>	<b>3. s.m. de sopoltöra</b> por † Lena Frena Brandlechner
<b>13:00</b>	<b>y corona dla comunité</b> <b>funziun dal Bato de Elias Erlacher</b>
<b>Lön 28.</b> 07:30	<i>Tomesc d'Aquino, Carlo le Gran, Carolina s.m. a Al Plan</i>
<b>Ded 29.</b> → 07:45	<i>Sant'Ujöp Freinademetz, Valerio, Gerhard</i> <b>s.m. dai scolari</b> en onú de S. Maria, <b>s.m.</b> por defonti dal Flô, <b>s.m.</b> d'aniversar por † Florian Baldissera <b>s.m.</b> do intenziun en rengraziamont y onú de Santa Maria <b>s.m.</b> por les Püres Armes plü desmonciades
<b>Dem 30.</b> 18:00	<i>Martina, Serena s.m. a Al Plan</i>
<b>Jöb 31.</b> 19:30	<i>Giovanni Bosco, Scebio - de d'oraziun do vocaziuns</i> <b>s.m.</b> d'aniversar por † Jep Rigo, Rara <b>s.m.</b> d'aniversar por † Lois Pedevilla, Soröa
<b>Ven 01.</b> → 18:45 19:30	<b>pröm vendres - Brigitte, Giovanna</b> <b>signor ploan va a proveder</b> <b>poscibilité da se pissié</b> <b>s.m.</b> d'aniversar por † Berto Ellecosta, Longega <b>s.m.</b> por † Margareth Baldissera, Roje, <b>funziun al Sacher Cör</b>
<b>Sab 02.</b> → 08:30	<b>FESTA DLA PRESENTAZIUN DAL SIGNUR TAL TEMPL</b> <i>S. Maria dles cianderes, dal Poch (patrozinio), De dla vita consagrada</i> <b>benedisciun dles cianderes</b> te dlijia, <b>s.m.</b> en onú de Santa Maria da Bun Consei y dal Aiüt <b>s.m.</b> por † Maria Kehrler ved. Vollmann, Slugher ♪ <i>grup dal cor</i>
<b>DOM 03.</b> 08:30 → 14:00	<b>4. domegna ia por l'ann</b> <i>Blaje, Ansgar, Oskar, Simeon y Hannah</i> <b>De dla vita</b> <i>oferta por i debojügn dla ploania</i> <b>gran messa</b> por döta la ploania y devoziun a Santa Maria <b>funziun de ringraziamont dla vita y benedisciun dai pici mituns</b>
<i>ampola:</i>	por fam. Erlacher, Bagnadura
<i>ministronc:</i>	▶ da doman y domegna: <i>Andreas y Lucia Burchia</i> ▶ da sera y domegna: <i>Eliane Pedevilla y Maria Burchia</i>
<i>i recordun:</i>	Lois Pedevilla + 29.01.2009 Jep Rigo + 30.01.2017 Berto Ellecosta + 01.02.2015



Ciarede düc ca – Gejú va söle scenar (Lc 1, 1–4; 4, 14–21)

**I ponsi do**

*Sen met man la misciun de Geju: al é gnü a se porté speranza y liberté y no a se ciarié sö peisc co se fej sté ert. Chera che Gejú encünda é na bela y bona noela de ligreza: le Vangelo. Düc ti ciara a Gejú y a sü edli: valch por curiosité, valch por le meter en dificolté y d'atri arjignés a l'ascuté sö. Pa cai aldeste pa tö?*

**I preii ensciö**

Ince iu foss sté ienn enlö a te ciaré fit, Gejú: por aldí da töa bocia parores de speranza y de liberté, parores nees co ven da n cör, le to, co bat ma por Chelbeldio y por i atri; por daurí i edli desco dan le plü bel spetaco dal monn: te ciaré fit por ne mo enjömé degüna de töes espresciuns, nia de to lingaz, ne mo lascé sciampé nia por capí cara co é töa misciun danter nos. T'aldí dijenn chel „encö“ co nes recorda l'atualité entres via de tö Vangelo. Nia gonot n'ascuti sö zacai ensciö y i oress podei vire tan intensif düc i momonc ch'i aldi baienn de te. Fá ch'i capesci che sc'i baii y cunti de te, este tö enstes co baia, ince encö, a mio cör.



**Tal cuarto mister de ligreza ponsunse a Gejú presenté tal templ**

*Signur Gejú Crist, tö es gnü jö dal ci por iluminé döta la jont. Lascia lominé te nüsc cörs la löm dla fede y fá ch'ara vegni refletada da nosta vita, por ch'i podunse goder por dagnora tal ci la ligreza de to lominus. Tö che te vires y regneies por dagnora. Amen. Syn 218*

**La storia de Noé cuntada ai mituns (3)**



**Noé fej l'arca**

Chelbeldio ti â dit avisa a Noé desch'al dea fá l'arca. Al â dit: „Ara dess ester 150 metri lungia, 25 metri leria y 15 metri alta. Sön tet dessera avei na finestra y da na pert na porta por jí ete y fora. Daete dess la barca avei trei alzades con trec salamonc, stales y gabies.“

Noé ascutâ sö avisa y spo dijêl a Chelbeldio: „I ô fá döt desche te dijés. Mo ciodi dess pa la barca ester tan grana?“

Chelbeldio â respognü: „Con te, töa fomena, tü mituns, söes fomenes y sü mituns dess ince tiers avei lerch söla barca. Tolete de düc i tiers en per – en mandl y na baibele – vigne sort dess se mantigní. Do le gran diluve dess i tiers endò se multipliché söla tera.“

Sen â Noé capí ciodi che l'arca dea gní tan grana. Spo ti él atira salté ele al laur. Al â taié jö de gran lens, â sié fora corones y breies y â motü man da fá la barca. Sü trei mituns le daidâ y vignönn fajea ci ch'al ea bun por che ara gness avisa ensciö desche Chelbeldio l'orea avei. Vigne tant passâl jont y odea ci ch'ai fajea. „Ciodi fajaise pa na barca atló sön tera assöta, tan dalunc dal mer?“ damanâ la jont. „I seis pö mac!“ Y Noé ti cuntâ dal gran diluve che Chelbeldio ess lascé gní söla tera. Mo la jont ne ti cherdea nia y le coienâ.